

Der Durchlauchten Hochgebornē Ifurstin vñ
frawen/ ifrawen Barbara/ geborn aus Königl
chem Stamme tzu Poln /Hertzogin tzu Sachst
sen/ Landgraffin in Thoringen/ vnd Marggra
fin zu Meyssen zc. Meyner gnedigenn Ifrawen/
Embiet ich Jeronym⁹ Emjer/ der heilige Recht
Licentiat vñnd Magister/ meyn vnderthanig/ ge
horsam/ schuldig vñ willig dinst/ tzu voran /Gne
dige ifraw vnd Landesfurstin/ Wiewol alle tuget
vnd eigenschafft/ die ein adeliche/ erenthreyche/ vñ
lobesame Ifurstin an ir haben sol/ bey ewern furst
lichē genadē haußend erfunden/ vñ gar keyn man
gel erscheynet/ weder inwendig an dem gemuthe/
oder außwendig am leyb/ Weder an gestalt noch
geberde vñ gutē sitten/ So vbertrifft doch/ meyns
bedenckens/ die andern all/ der grosse vleys/ mñue
vnd sorgfultikeit/ zu dem lob gotes/ tzierung seyner
gotlichen herwer/ vñnd mherung seyner dinstes/
darinne ewer furstlich genade/ nicht alleyn keyner
darstreckūg tzeytlicher gutter/ sonder auch keyner
mñue noch arbeit/ dasselbig mit iren eigen henden
selbs tzu machen vnd tzutzerichten/ bedawrt oder
beschweret. Tzu dem allem/ das auch hoch tzu ro
men vnd tzu breysen/ das Ewer Ifurstlich genad/
die heiligen tag (an welchen die leylich arbeit
vorbotten) nach vorbringūg der gotlichē ampter/
mit keyner leychefertikeit/ Sonder alleyn mit lesenn
geistlicher bucher vnd himelischer ding (daran vn
ser selikeit hanget) vortreybet vnd tzubringt. Der
halben/ vnd die meyl mir/ solcher ewer furstlichen
genaden vleys/ lust/ vnd lib/ tzu gotlichen dingen/
aus langweriger dinstlicher beywonung/ vñ vor
borgen/ Hab ich/ das heilige leben des seligen Va
ters Bennonis weylund Bischoffes tzu Meyssen

Sächsische
Landesbibliothek

8. JUNI 1981

Dresd

6